



978582

朱九江先生集卷四

詩

春懷八首

孤生短褐走風塵，偶息遽廬見在身。
抱膝敢言天下事，論心長待眼中人。
燈花耿耿照聽雞，夜驛柳將縈去馬辰。
只有緗梅解娛客，迎年饒放十分春。

贈履投簪跡，豈疏蓬蒿休學閉門居。
題詩人日煩常侍，作賦童年擬子虛。
近藁叢如牛網大，遠方書及雁歸初。
筆干氣象吾何敢，多事羣英載酒車。

恩恩枯燒動陳芟，漸漸飛花落酒椽。
有用年華虛攬鏡，不勝今昔強登臺。
流連佳日供多病，省識名心愧不才。
文字起衰思七矣，九江先生集詩
發向來那遽薄鄒枚

卷四

人海波瀾日夜浮，無心我自汎虛舟。
飽經憂患豪懷減，弔徧興亡古淚收。
讀易正須明損益，著書何必待窮愁。
開編好趁花時節，古意今情一闋幽。

從頭歲月去崢嶸，臥看天階轉玉繩。
老輩憐才同命鳥，散人羈跡在鞞鷹。
大科眇莽知何許，小技吹噓記得曾。
多少捩心辜負處，扁舟江海望觚稜。

月落烏噓昨夢之，舊時高李動相思。
天橫古塞雲隨馬，風刮平沙火熠旗。
道廣星辰同里聚，氣豪湖海有人知。
居游兩地成何事，二鳥吟餘鬢已絲。

謂徐佩韋台英

稽天浮漲倒江河，往歲南雲涕淚多。
大澤魚龍爭陸地，中田井



稅委盤渦瘡痍甯免三年艾禱祀都先九穗禾今夕語聲合樂
愷元生于茲緩聞歌

光風又逗海棠陰千里韶華一寸心春日易兼殘夢短江流難
寫別懷深但遲鷓鴣鳴芳草何害鶴鷄去故林不是江南傷宋
玉明時擁鼻本高吟

廷蔭之廣甯五首

披豁生平事能狂亦可哀文章甯造命飄泊益增才悴羽噉音
變華桐鬣尾灰防身有長劍寂寞拂塵埃

兩泣麻衣雪那堪作遠遊巫咸終古恨天地此生浮蠻嶺重重
樹風檣故故舟寢興頻記取霜露滿松楸

壯士行何畏君行一失聲小人同有母何日息勞生浪跡衣中

朱九江先生集

詩

二

卷四

綫卑栖舌本耕月輪應照見永夜有餘清

旦旦催明試侵星戎學徒艱劬僑眾母束縛布黔奴復此傷於
別難知化者樞倒衣趨執手三歎問虓蛄

擲我驪駒曲江流應向西休論百回讀恐放萬行嘵棄吏惟耽
麴初昏重纏并定心齊去住高臥視天倪

談太學過六榕寺寓舍三首

垂虹飲城南南海三日雨羈人帶不出坐送日月古遙識靜者
意卻跡染花譜翠墨灑欲滴庭綠相媚嫵而我亦掩關萬卷照
愁緒小屋如鳧鷖汎汎風水渚夙失蟾窺夜亦闕雞唱午午長
點茶網蓬背擢煙縷近聞新水活干啞碧掀舞豐年已在目一
飽先自許逕欲覓故人勞慰倒瓶甌開門一笑逢叫絕不能俯

稀阮去千載投分輕鴻毛寂寞黃公壚無人繼石交遠彼陳驚

座

陳秀才文瑞

肅容離堂劫略欠酒家胡聊分麴戶曹清權飲文字

俊諳窮詼嘲坐久落檐花萬竅號調刁依人少稱遂盡此片晌
豪夜禁畏昏黑晚鼓紉如敲命輿急油幕曲折隨低高眼禪轉
燈火耳鳴過波濤翹坐有頓撼况爾昇者勞已矣付夢痕靜對
挑蘭膏

思君適見君失喜前相持見君還別君對面顏色低如遺萬金
劍意氣無憑依我落城北隅君去城西陞三月一相見終歲能
幾時人生無百歲念此吾將噫鄙人昨南還月墮流黃機入門
自芳草並鏡茲容癯惜哉春華晏去若風輪馳平生意可人會
難苦多離天地信逆旅浩浩陰陽移忘情若草木吾行元子師
朱九江先生集 詩 三 卷四

寄題家明經

澄湘秀坡

山半明經宅溶溶落碧陰江湖隨地遠花竹閉門深雲氣切書
幌詩聲流玉琴一邱子亦得昔昔寄遐心

入月來風雨總至隄圍西漲向疊可憂感書二絕句

萬室郊原稔識灾連雲隄砦亦堪哀傷心屋角纖纖柳三見衝
波照影來

短堞高牆深淺痕二儀積雨又黃昏哀鴻病鶴知何限才說東

風總斷魂

潦時東風則漲甚以決邦人憂之

和錢給事春思曲

春筍扶釵紅玉香灑窗茜影朝曦涼嫋嫋成妝弄刀尺裁碎冰
綃破春碧銅鋪呀鎖金葳蕤黃鳥交交撩夢思微寒入翦妾先

怨明月墮懷君得知紅豆飛花應結子青陽不歸時暮矣珂馬
丁當天路長紫乙北游南雁翔煙絲香銷雪生禩陳草夢歸花
滿堂堂間蜨嬾游絲卷今時書長舊宵短春懷迢遞春波輓照
人斜領亦可憐淚落空波暮雲遠

寓齋詠物三首

竹

暑地涎綠陰如渴靚雪盃誰割瀟湘雲清餉蓬萊館筵筵魚尾
垂兩兩鴉角纂呼奚急揮土奈何值乾璞眞作孤生根其一已
枯斲瑰材苦培護况乃傷擊斷負手對微哦煩吁一蕭散想當
踰歲後攢蹙風柯滿指爪偶然蹟去去良晤短夜雨鳴秋堂誰
此擲吟管

朱九江先生集

詩

四

卷四

鳳仙花

條苗鳳仙莖風日華色舒吐花如玫瑰浥浥媚我廬七尺麂眼
籬籬表窺扶疏匪輦而自致實恐往歲餘不然屋山雀銜子於
前除遂有蜨翅來嗜瑣眠遽遽野莧不自穢潛根抵其虛昔聞
害蒿苴杜老增歎獻白苳不甲拆茲花曾晏如邀客問元理兼
煮中園蔬

瓜

我昔請學圃青碧日照眼甯似此牆角瘦藤檝竹縮是時瓜豆
棚接屋手編剡吟蚪嗜檐牙秋蟀切牀版科頭黃篋底亦得理
積簡口實良可求那慕萬金產自從走塵土辛苦蟲蝨蠟足趺
竟何成達者爲笑荒遙漢陰甕惻惻劉瑀限不食匏繫茲吾

生一歎報

憶弟

恨別殘半月別懷今故園桑田豐益歉梅雨晝長昏齒弱行藏
決情高笑語尊有人傳鄴谷煙柳不開門

夢讀佩韋近稟卽寄懷落第南還二首

東勞西燕兩怱怱落日無端賦惱公遠夢警回雞唱後華年消
盡馬蹏中迷漫京國三書恨寥亮江城一笛風猶道文禽同困
羽可能擇木穩春叢

近計梁鴻出漠關五噫不唱唱刀鐮異鄉詩句勞人淚落日塵
沙壯士顏合出素衣朋舊見莫催清鏡鬢毛斑故園尚有冬青
樹歲暮山寒共往還

朱九江先生集

詩

五

卷四

寄衣

省識紫薇樹姍姍近繡幃日長雞報與花落烏銜飛獨夢悄無
力怨心疲累欲茂先亦兒女宛轉寄羅衣

六月十七日談太學招同陳秀才

文瑞

家明經

澄湖

北郭

郊游晚集明經秀坡山館四首

海風饒與盡情吹古院排關慰所思地愛小山招隱處客來佳
月尙圓時悔曾慷慨留詩諾話到平生易酒悲獨有言情三五
什邀君塵外一舒眉

難得樊川笑口開緩尋延郭問蒿萊連山莽莽飛濤下斜日荒
荒大野來天海漸涼秋有信興亡如夢劫餘灰駟夷內款龍編
伏莫爲山川惜霸才

移家申約太區區苦訊江鄉俵寄租耽僻客嘲揚子白望衡吾
愛丈人烏長途疲馬慙筋力暮雨離猿有嘯呼知已四明狂監
在因依爭不賀家湖

途次太學訂
移居之約

荔鬱重城萬瓦漉高齋花竹自嬾娟激清夜色天如水搖盪風
聲屋似船草榻盤真有味恩恩詩句澀難仙勒移且莫嘲逋
客暫安名山結淨緣

奉陪山長陳蓮史師登粵秀山至山亭胡太守

方朔
設樂

置酒

到海百川匯雄觀盡此亭天空收蜃氣雨急過龍腥行嘯無空
谷華鐙有落星從來盧子幹絲竹亦傳經

西園郊居

朱九江先生集

詩

六

卷四

雷暝不到地遙殷雲際音雨暘兩無朕浩然天宇深交疏反頽
景縣嶷停修陰平阿下來牧高翼集歸禽游眇有肆應會心無
獨尋紛子冀良覲溽暑力不任朱炎失炙石素月方流襟激激
水荷動撼撼庭篠吟正適佳日酌遲援涼夕琴蹟故切懷曩情
新思自今居貞北宮懷抱獨南榮心願言繼微尚塵軫謝華簪
廷蔭到得舍弟宗琦消息作長歌寄之

江鄉暑晷滄煙嵐七十二峯飛壓檐雞栖人家帖桑樹外帶流
水山差參無田亦美山水縣全家呼吸餘清甘工愁翠袖寒倚
玉就衰白髮霜纏簪數齡離穉穉嬌養久弄潮捉影尤跳憨有家
離家走乞米仰俯何者非誑談白雲在天花送淚吾輪安豐董
邵南有弟有弟年少廉粗穢既盡留清嚴刪煩汰冗百搏節入

關惟取約法三百無可詒論汝肆念汝辛苦予顏慙自憐難及
葛藟庇廣廈枉用言炎炎况聞風戾不稱意萬家上箔憂僵鷲
愁纏似繭我心痲命短如絲民氣熾忽吹佳語踰重緘此語何
自自阿咸糠粃則窄波瀾恬凡今之人弟也堪五柳閉門貧賤
足百花釀蜜中邊甜我聆頓作雀躍喜以大嚼塞饑夫貪解手
兩月萬感集遲子來吐聯牀談浮雲驚空赴急節義和浩浩無
停驂方舟浙江吾未濟中流底處收風帆魚函晨發鄉夢澀雁
霜夜入燈光藍吟肩明日愁秋衫

雜題絕句

九衢赫日氣騰騰三伏塵勞倍鬱蒸掃地打鐘無箇事就中輸

與柏堂僧

六榕寺
丈室

朱九江先生集

詩

七

卷四

無多門館自清華蒲褐風甌白足家長日如年庭似水隔牆吹
過五楞花

幽尋一棹翦波行分飯齋廚分外清

海幢寺
圓公房

便汲井華重洗耳

杭榔陰聽畫眉聲

喜宗琦至二首

乾鵲驚檐喜可知解衣握手尚迷離塵容似我吟詩瘦古調輸
君抱筆奇江海有時龍變化風波無那燕差池黃齋紫蠚紅燈
影且許從容話井眉

江東誰似阿龍超世味嘗臙漸不聊久別敘談疑夢對佗鄉懷
舊倍魂銷山城壓瓦墟煙重灌木排風搶影搖試向天街回首
立元蟬秋葉晚蕭蕭

俳體戲答友人問

謹案先生此詩道秋試也秋試薦卷中用史事主者不解以麤棄之揭曉後主

者發其卷知先生名悔自失焉

請出聽來事可嗟矛頭浙米險些些定知貧賤牛衣債未了扶

風處士家

略減容光滿月痕壓驚荀令最慙慙豐容不稱詩人婦正好環

肥瘦二分

風鬟水珮動珊珊飄瞥氛煙一慘顏擬抱齊紈同玉碎爲郎名

字在中間

附和隨聲到處皆遺珠喪貝巧安排圓明三五如珪月見否團

團在妾懷

拋到俳諧笑不禁那言鄉土力難任佗生願化同心藕補種情

朱九江先生集

詩

八

卷四

絲入地深

來書云鄉土無此風致佳人失扇子去恐是爲地所困云云失扇事雖子虛其言致足感也

晨起海棠見一花矣詩索舍弟和

雞鳴庭樹白初日上何遲碧露悄含凍幽花明見姿春華歸晏

歲吟興忘調飢信口詩篇好原通以息吹

過粵秀書院是杭太宗編修舊講地卽呈區仁甫先生

槐階晝靜陰離離秋繁滿地涼珠垂連步堂皇轉深闕夏屋具

與賢者宜咄此海邦一片席名公先後常肩差堇浦老人號儒

碩殿前作賦摩丹墀學老材鉅載翁受會希賡拜追龍夔過雨

鄰翁告牆築初昏新婦陳竈炊優容便見盛明世江湖魏闕皆

余思中朝歎惜南士喜畫以團扇繡以絲門下羅

元煥陳華封

盡才俊說詩更有何西池一時推挽此焉盛韓山蘇海齊等衰

天爲南方洩瑰偉，貸公手筆揚詡之。波羅廟邊紫翠昌華苑，
外波漣漪七級金塗鐵鈴語。雙門花漏銅龍噫，盡借登臨寫雄
快。百篇在手宮商吹，勝地逋臣兩激發。甯比鬱屈哀湘，纍後來
老沈亦耆舊。椒園先生嵌壁石刻猶歲蕤，訓詞深厚文爾雅。跌宕終
遜公風規，嶺南一集在天壤。名山千古欽，屢屨我思山長匪官
職。諸生北面環皋比，有時謂頌士林口去思。勝似良有司，我生
繩墨託大匠。曲轅三載歸，工倕大小雅材共。剗切人師不愧甯
經師百年文獻未銷歇，今昔繼照同娥義。高山堪仰自不朽，安
事元凱沈豐碑。

李孟夔

鳴詔

明次卿

倫

馮愛之

汝棠

南歸同枉城西寓舍

有作兼簡徐佩韋

台英

李愷儔

彪元

朱九江先生集

詩

九

卷四

湖海收身客塵纓，叩我彈銜杯霜月皎聽角。晚風酸斫地悲歌，
易登天得第難到。憐空谷揚幽夢，汜崇蘭。

過瀾石追悼劉崧孝廉六首

纔合金華宴，俄悲玉樹沈。煙雲成過眼，貧賤失知心。楚些招何
處，越吟傷至今。孝廉疾前詠白蓮句可憐君
子花飄零墜殘兩竟成詩讖那堪賦懷舊，搖落

正秋深

憂是傷生事，斯人不永年。種情原絳樹

孝廉紅帖及門而生故小字絳生

而齋恨

畢黃泉羽翠留，觀美膏明惜自煎。縣厓今撒手，靈氣想儵然。

風骨平生傲，交余首忽低。集虛名士少，邁達古人齊。逝水齡何

促，尋山願已睽。趙嘉無限志，悵悵唱黃雞。

亦解彭殤理，嗟君白髮人。彌留仍子舍，泉復迺慈親。苟偃含猶

視元賓研又陳屢思牀下拜哀慰兩遂巡

記昔憑棺慟眞傷執紼情詠言應有作悽斷不成聲論廣朱公
叔號來范巨卿得通冥漢否我亦太癡生

咫尺過瀾石歸帆面爾居生芻徐孺祭死友秣陵書哀角清霜
裏寒江落木初煙蕪瑩草宿流恨滿郊墟

贈馮六愛之明二次卿時二君相約假館城西僧舍

一別如風雨三年閒薜蘿愛才焚硯得結客散金多閱世天如
夢平情井不波惟餘遲莫感對酒足高歌

吾生安逆旅今日且郊河佛火幾星碧山光無數青龍蛇有藏
蟄蘭芷合芳馨頗快聯牀約幽談到梵經

六桂山樓望春之作

朱九江先生集

詩

十 卷四

游鳥檐聲喧喧聲有餘澀春陰不到地暮此西景急雲膚磨未
瑩石髮泣已涇波生搖溶溶葉委涼浥浥碧草天青冥望視困
遙集百里墮深阻煙絲兩城邑相思負無力寄遠來靡咎天長
夢魂短知汝芳華泣屏營面山樓日夕光景入煙鬢渺含態窈
窕赴獨立何當飛朝晴忘憂拄吾頰

峽山寺四首

北水奪寒峽回回千里來溯流三折入鑿翠一門開阮徑蕪隨
沒禺祠筠可材添衣夜多警猿噉有餘哀

一髮尋初地舊飛來寺攀行頂抵尻蠻山入烏鬼人命颯鴻毛鷓鴣

排風出鷓鴣得路豪年來解齊物未肯置身高

柘灣古凝碧題句不能終照眼此楮水曾窺蘇長公蛟鼉寒不

睡松栝遠生風欲語無生法收心息梵宮

拱別應公去

應大師廣西鬱林州人

纜舟清我心嘗魚寒具出談虎夜燈

深雲合諸峯色風颺萬壑音江湖方滿地滅跡不成陰

寄宗琦弟正覺寺山居

高齋平割鶴巢居清簟疏簾夢有餘人語如潮無意後松涼潑
水未秋初偶因遠道猶憐我得任名山合著書坐客莫須談外
事此閒風月最清虛

韶州曹溪口有制府盧都堂遺碣慨然賦詩

昔年吐氣謁臺端賓從威儀會漢官較量尚憐三雅小論才不
覺九州寬龍門峻極青天遠鶴羽禪徒白日寒今獨扁舟緬遺
蹟西風吹淚使君灘

朱九江先生集

詩

公嘗見謂天下雖大人
才有數至今心感其言

七

卷四

有憶

隙詞敷社太丁甯贈別迴腸宛轉領禪定可因香破戒天生何
用酒爲名橫塘曉發楊枝膩芳渚春遊蕙草生最是憶君鐙欲
施更堪江上子雋聲

古勸酒

今日良宴會急觴甯復辭令節易風雨情人多別離

寄劉九潭州

行客與秋葉漂零不轉頭華年長旅食湘水接離憂鼓瑟靈娥
怨投書羈宦愁招魂無處所最是古潭州

朱九江先生集卷四終

再傳弟子校棗於讀書草堂

朱九江先生集卷五

詩

贈馮四廌新復試京闈

雨餘海光闊載酒送遠離離多疲怨心那復歧路悲子旣無營
魂余亦拙言辭底須折柳歌而亂人意爲低昂江上舟飄裏舟
上旗且盡手中楮去矣如發機甯知居者腸迴轉車輪馳振觸
平生事心目來依依喉吻棘芒刺吐卻理亦宜兩生總角交膠
漆謂遜之子才明光玉表裏無磷緇言當設九賓席上呈葳蕤
高歌眼中人此世舍汝誰身事有反覆天平安可知風帆入大
海一發收何時一歲折將離一歲寄當歸自此波面萍各賦長
相思相思厭離合十有二年茲失作駟負壓輒用蛇憐夔長風
朱九江先生集 詩 一 卷五

送天衢今當一鳴飛一鳴豈不慰至竟悲無涯容華閱塵土未

詩

一 卷五

老潛凋虧昔爲朝華妍今作秋陽萎酒紅辭面顏霜縞尋鬢髭
還家拂不去其白猶差差里嫗不敢認道是誰家兒是時鷲回
首怕汝涕兩頤差喜北堂謾留及春風吹堂前荆樹林窈窕華
其枝閉戶盎然足遂樂南山飢以茲強人意去去從此辭杜陵
遺贈言更當慎其儀客途有明月遠逐征鞭揮故人指月輪迢
迢溯心期

感事與馮六

汝棠

孝廉陳九

信民

大令夜話大令抵足同

寢卽追懷尊甫心農先生二首

數百容公輩其如扞網終敗羣恐害馬亂視惱飛蟲事以心平
定機先目聽聰不文嗚絳灌黨論本來空

舊日梅花帳丰裁故不高里豪歸擁背海盜失如毛州邑尊王
烈宗風續孔衰摸牀同不寐聽徹曉雞號

山閣夜

集樹昏鴉定松門夜已分波光涼似月人意嬾於雲衣鏡窺來
悟瓶笙靜裏聞叩關誰剝啄或有訪論文

丁酉九月十八日廣州歸村泊甘竹西岸

利涉吾何有賊船感不勝海風搖噩夢潮氣入昏燈浪作蛟人
泣終憐龍斷登師峯迎面立對酒兩峻嶒

北邙山行

北邙山顛松柏桐坐闕人代生悲風華表荒荒日將落牧童敲
火牛礪角宰木爲薪事猶可昨日豐碑今柱礎誰家發引從如

朱九江先生集

詩

二 卷五

雲輻車會葬來千人此千人者衣冠素丹旒厥旌照衢路金鐙
不熱三泉寒塵世變滅隨風煙石人不語語應淚眼見官人卜
穴去

送屠使君還楚中

使君子身需次
來粵近復悼亡

送暑迎涼過雨天歸風剝剝促行鞭自君之出踰三歲此別無
家又一年駟牡倦遊長路半孤雄尋夢故巢邊漢南試問親栽
柳如此長條已泫然

陳九明府走書借讀二樵山人集卻題

一盞寒泉供養來楚騷餘裔亦仙才

我師昌谷頗前身合是梅
能仙集中句

花骨流水空山獨立閒

南漢宮詞做李義山隋宮

紅雲宴罷火城回丹藥方嚴水殿開五色羊珠收寶去四門魚
鑰斂錢來朝中卮酒恩猶渥海上樓船事可哀豈獨花田田弔陳
跡鷓鴣飛徧越王臺

憫潦詩呈愛之次卿兩孝廉四首

連宵發竒凍中人毛髮灑預憂水氣盛西潦驚里社數日間訛
言滿耳雜侈哆忽傳高漲及矜峽三丈瀉倒屣往視之駭目汗
盈把激盪風雷鳴渾濁天日赫古潭罷窰戶滅沒出寸瓦一漲
三日期一日百憂寫幾時誓安瀾刑牲斬白馬

急流旣呼洶長風復蕭颯大隄如堅城浮胞同輜毛延絲一縷
泥障壅千丈濤是時萬家命呼吸人鬼交鶴鷗爾何物白日聲
鳴驕得無鬼伯使作此絕命妖野人聽其聲一寸魂搖搖有飯
朱九江先生集

詩

三

卷五

不暇炊有機不得纜重憶癸巳歲淚落連珠拋

中夜鼓柝來告急踵相貫旣潰曲爭頭礮又報河清岸賢哉兩

孝廉吉凶與同患肩輿弗及待僵走泥至哥武力來什伯椿婦
亦億萬一夫抱其根投沒奔湍半一夫椽其頂飛空奮椎健剽
疾過竿戲勢上切雲漢舂榻各就理出險發深歎覆巢與完卵
其間不以寸去時五更霜歸時二更飯

壤地各有疆護助亦有盟吁惟此邦人真不可與明不自有其
土樂禍如佳兵費我借箸籌曾無算犒情是地豈閒田虞芮兩
勿爭不爭事猶可不救瘡痍成三五垂白叟叩頭厥角崩藉非
明公惠百室魚頭生揮手謝父老我亦識字氓力食從古爾請

勉秋稼耕

象山社緣麓行至鬱水上沙溪乃反夜已嚮殘

水國森夜涼明河落華甸羣動淒已寂萬象悄彌蒨村春晚凌
厲戍火寒隱見行野忻有適發興乃忘倦高厓石切額迴溪路
彎綫仰登屢踈局俯遠仁蟲緣浦澈漁家艇松根網絲冒趁樹
約鄰多吹萍行汲便晚食瓦盤酒兒女雜嗔怵世態苦喧卑此
樂讓汝先席草接輓語月破川浮練落葉散魚背清霜厲人面
更永不可留回蹤帶幽眷

門人老上舍

鶴年送酒二首

初日上檐聞鵲喜開函起舞動比鄰便思說劍邀豪士大好攤
書對古人蘿月涼添江上夢花枝紅入鏡中春卽看臭味從同
處交道文章信有神

朱九江先生集

詩

四

卷五

平生快意說堯鍾荏苒中年百慮空世態漸飛言似雨
易林尊
空无酒似雨權場銷盡氣如虹灑沈力困華離國珮璫人憐大小東最
擬中山千日醉鳴蒼四野正哀鴻

諸子同遊海目山還舟沙口關四兄弟留讌作詩

僕身出風檐去去不留行從容理襟帶洗面塵一升始覺天宇
高又見星日晶交親喜我歸提挈觴榼盈餽釘雜軒載進辱償
退榮三子益標勝把臂山水程入耳顏忸怩我曩何所營得無
巖隴笑亦教猿鶴憎誨我達者言合軌匪逕庭古有占利涉亦
有不字貞鳥還與雲出兩兩無虧成促袖出青蚨買舟千丈泓
如浮博望查去問牛斗星隔波望松翠頓豁雙眼明兩崖如斷
玦後者窪以平綫路達前崖漸漸生圭稜前崖兀然高回顧若

有情平吸萬里江削立一點青終古流不去永屹滄洲城崖趾
穴龍淵牙角竇峻嶒難測支祁鑠屢通雷電靈至今鼓角夜髣
髴疑出聽緣崖徑寸樹盡作蟠虬形尚想區中允有誓留元扁
明區用禱先生大相愛其地謀歸老馮集名海目以此 鶴路失退飛山價亦已增君正健
腰腳我又老笠笠曷不此誅茆來結江面亭海風中人猛五兩
難久停回頭數行蹟步步鐫心銘重邀主人惠一過饑腸鳴沈
飲自展放談諧四坐傾昨者何局束蚶窻鳴蒼蠅今茲何勇銳
膽犯蛟龍腥乃知人一生位置非有恆譬彼手鏡照愠喜本自
呈先迷不可諫後得庶有徵行編海目集兼訂酈元經

宿鄭中書

景祥

西郭書莊

朱九江先生集

詩

五

卷五

柳絲容裔碧波紋繫榜撾門犬吠雲詩做柴桑陶處士人呼齋
茶孟嘗君秋蟬翳樹風初定老特眠花日欲曛慚愧鄭莊頻置
驛賦閒堂上息勞筋

何兵部丈枉過寓齋言懷有述

望見須眉一灑然得從冠蓋儼神仙追權我憶重三節好士公
如六一賢神物久慚金躍冶名山敢怨玉生煙五湖三畝皆臣
志恨少貧家負郭田

借居正覺寺蘭若雜詠十四首

松逕

一行松吹中百體共淒警羨爾鶴巢安罡風吹不醒

榕社

不見象山人空餘象山社合抱榕蔽牛曾識吟詩者

前明黃觀
察應秀岑

司馬昌運等及先叔祖烈公結社於此陳文忠子壯亦時與會

月臺

滅睡立文階，偃來石闌滑。不爲秋夜涼，惜此故山月。

山塘

爽澗松濤瀉，方塘一鑑明。勿爲泉水出，終保在山清。

藏碑亭

棠桷未崩摧，汗萊何蹇澀。披莎展殘碑，野鼠作人立。

南國祇園

西士來南國，聞根兩不居。菩提本無樹，何處覓精廬。

佛堂

帝釋只垂手，修羅徒奮兵。詩家自在慧，吾服古先生。

朱九江先生集

詩

六

卷五

讀書齋

水國愁潮蒸，山居信壘爽。開函索蠹魚，初旭照書幌。

西閣

拾級孤響磨，鉤簾遠原集。日落未落時，隱見征帆急。

南窗

對宇桃源里，推窗雲樹涼。但能忘魏晉，白日到羲皇。

用杜句

藕花池

風林纖月墜，煙靄浩茫茫。童子塞簾入，微聞風露香。

香積廚

僧去灑草腥，我來潔壘白。儒墨兩可忘也，共真一酒。

霏鞋室

誰抱冰絲絃倚蘭調重按美人遲不來彈出瀟湘怨

山靜堂閒處

悄悄無人語平檐日未西書長煙縷直時有竹雞啼

與廷光小飲懷馮四北行未還卽事四首

斐几團欒對松堂笑語新子諒人似玉澗豔酒如春事去謀生拙心閒得句真杖藜能數過觴詠不知貧

歲晏寒淒緊庭空夜渺漫有人當短至罷酒憶長安白日中原盡青山一髮看離亭舊楊柳搖落角聲殘

秋風動關塞之子悵何依已閱炎涼候應隨鴻雁歸新霜凋旅鬢落葉滿征衣晚臥滄江者憐君一累欬

霧盡初三月霑衣細雨塵梅花村僻路竹炬夜歸人故舊多行

朱九江先生集 詩 箋平生一岸巾回頭山院閉煙樹鬱嶙峋

七

卷五

晚出歸山館有作

掩關歲云莫迺息輪鞅聒夕陰諱已繁放歌出叢樾冒徑饑餓竄投林蒼鶻沒松涼落衣襦灑潤及膚髮何必入山深芳華無時竭古鬢一矢遠滄泓乳湏活傳聞老頭陀布金搜井渫闢此甘露門眾生飶瓶鉢至今風雨昏僧眞見泉穴事往陵谷遷緣來香火結我出尋素交歸步夜光闊慮澹追古懽趣超得新悅久立寒杵沈西指銜山月

桃源井事見九江鄉志

小除夜書懷四首

大高醉後欲橫參人事侵尋感不禁名土木來如畫餅窮交從古重分金一鐙促席殘年飯孤枕空山此夜心息盡塵機飯淨

土明春相憶薜蘿深

不及高柔少宦情紛爭雞鶩太營營拈毫我自無中壘擁鼻人
多傲洛生蘇季陰符成底事孫宏經術各知名翻身且詣和神
國料理航船待麴卿

平原歎逝賦何多短夢輕塵跡漸磨感舊情懷如中酒遣愁詩
句比降魔門前風日都無賴眼底山邱喚奈何莫使流離怨充
耳東來長葛恐聞歌

巖栖此夕稱閒身誰憶平生漫浪人青鳥不歸前日使蒼龍空
轉隔年春唐花欲放先容折魯酒能賒且未貧差勝爾時逢臘
尾雁行債客惱比鄰

張太學饋歲有水仙花普洱茶二種詩屬諸子和

朱九江先生集

詩

八

卷五

水仙花用黃山谷詩韻

一錢取看鴉頭纈腸斷千秋馬嵬月何如招得洛川魂賦就微
波歎情絕清泉手淪煩傾城膽餅襪帖參梅兄湘簾不開水沈
暖修眉淡對遠山橫

普洱茶用水仙花詩韻

鄧林狂夫腳不韉渴日急如牛喘月癡魂忽落天西頭矢與眾
生解煩絕誰困吟壘兼愁城探囊欲致愁方兄海雲墮砌春風
笑穩待今宵斗柄橫

塵沙行 德州苦水鋪作

北行之苦莫如熱北行之熱與南別熱惱酷矣塵擁人眼耳牙
須喉鼻舌乘竅而入達肺肝欲吐不能類癥結此塵乃若煙非

煙潮所從來不忍說牛溲馬矢委路孺攬入灰土吹平田輪蹶
日日蹴成屑乾風一簸腥聞天炎天不雨地欲赤輿夫汗垢膠
如涎和塵一揮落焦土雜蔥蒜臭爲臊羶車中屏氣不敢息擁
鼻分作僵蠶眠日光灼灼眼火鑠渴望赫景低虞淵千辛萬苦
歷站徧投肆日昃期息肩覆面積埃厚一寸茶鏞飯甑皆平塹
舉甌吹沫勉一呷黃沙礪齒聲鏗然槃盂渾濁匕箸怯翻思家
食安鬻饘仰面青冥向天訴何當夜雨鳴潺湲謂天蓋高聞不
徹得聞天亦厭其聒意東而東西而西且聽行人自回轍古來
回轍知幾人可憐滾滾塵隨身百千萬億恆河數一綫蟻逐窮
昏晨八紘砥矢歸皇極暑不停趨寒不息大賈營貴士策名下
吏高官各于役故人下澤愁且吁栖栖謂我何爲與有田可耕

朱九江先生集

詩

九

卷五

良鄉題壁

憧憧塵躅幾時刪荳店蘆溝十往還贏得泥沙添面頰年年馬
上看西山

代兆撫軍請襄陵臨汾水田毋照東南升科摺

謹案摺葉今未覓得

當待補芟其未覓得而待補者又有檄西山神驅狼文
晉聯關隴禦禦賊三難五易十可守人可征奏記兆氏功
臣三世家傳黃木灣觀海詩今特
錄摺題者舉所尊以見其餘也

朱九江先生集

文

卷六



朱九江先生集

文

二

卷六



擬請復漢儒盧植從祀摺

奏爲漢儒功存聖籍道備人倫請

旨准復從祀以光

大典恭摺仰祈

聖鑒事竊聞禮有五經蓋注疏之功大士有百行惟忠孝之道
光尋墜緒愈景遺微表人彝斯隆祀典伏攷漢儒盧植涿郡涿
縣人剛毅有大節與鄭康成同師撰尚書章句三禮解詁而所
注禮記與鄭注並行後代謹按禮記一書爲羣經總匯其間兼
言三代之制不無純駁之分而後儒立解大約推尋義理則易
考釋名物則難惟後漢鄭康成盧植二人得師說於不傳之餘
深文奧解迴絕扳躋誠經學之大師聖門之宗子也有唐貞觀
朱九江先生集

文

三

卷六

二十一年增定孔廟從祀二十二人植與康成實在其列當時
敕撰五經正義前儒傳注何啻百家諸臣攷訂異同至詳至晰
從祀之典獨取此二十二人亦可謂是非之公矣代厯千年未
之有改至明嘉靖九年從輔臣張璁之議以盧植鄭康成學未
顯著改祀於鄉我

朝崇重經學雍正二年

世宗憲皇帝詔復鄭康成從祀迨乾隆中儒臣杭世駿著議請
復植祀與康成一體議未果上士論惜之夫植書今雖不存據
鄭志答晁模云注記時執就盧君則康成注禮亦嘗就問於植
矣孔穎達唐代通儒其撰正義自蕭望之許慎質循而外南北
諸儒若庾蔚賀場皇甫侃熊安生諸人莫不挾其疵謬疏其結

輜而禮記疏中所根據於植者凡二十九條皆與康成顯然爲異而不敢少加評駁至詩疏續漢書禮儀志注通典諸書均多援引植注而有宋朱子亦亟稱之則植之於禮純矣粹矣焉得以學未顯著少之也夫康成閉戶釋經其節概在逃何進之辟避董卓之徵而植當漢祚式微中人構禍抽白刃嚴閣之下追幼主河津之間造次必於忠義爲東漢宗臣第一暨乎卓議廢立楊彪袁隗之徒皆喬木世臣坐而結舌植獨抗論不同舐觸兇骸僅以人望獲免此非服膺聖教博習經訓能若是其見危不奪乎是故苟爽推九家之易爨墨而就三公蔡邕正七經之文依侗而參末議未有若植之勁節彪炳焯耀史冊者也推其經術則如彼條其行誼又如此當復從祀似無可疑查自咸豐

朱九江先生集

文

四

卷六

同治以來漢儒毛亨宋儒陸秀夫明儒方孝孺等或以傳經或以仗節先後列入從祀况植專家之學足範千秋徇國之誠亦風百世所謂隆禮由禮經師人師切應請旨准復從祀以光

大典於以還千載崇德報功之舊於以正前朝懷私變古之愆風聲所樹士類奮興使天下儒紳之徒皆知遺經之可尋大節之當立矣所有請復漢儒從祀緣由繕摺陳明伏乞

皇太后

皇上聖鑒

敕部詳議施行謹

奏

論馬加利事

案馬加利之事何難答之應云差官命吏中途遇寇之事中國向來恆有滇撫鄧爾恆入覲爲盜所害咸豐初事也江督馬新貽閱操爲賊所刺同治初事也當時不過命該省查辦必責以罪人斯得而已馬加利於雲南緬甸交界處所勘實非雲南地突爲山苗戕殺

朝廷震怒不特嚴飭該省督撫急辦且特命湖督李瀚章馳往嚴詰眞兇盡法懲治以慰馬加利等枉死幽魂此正

朝廷壹視同仁視英使過於已使處亦足見我

皇太后

皇上至仁大公不以遠近異心也假如英國境內或有此事試

朱九江先生集

文

五

卷六

問舍戢盜正誅更有何法乎云云果如此說彼雖化外獷頑亦復何辭以應夷情無厭得寸入尺我旣輒弱如此彼之要求將來何可復聞易所謂自我致戎又誰咎也

見所索七款中之第一款欲由紫禁城出

入一條尤堪髮指

論派員往英事

派員往英之事何辱國至此。國可謂無人。國身繫安危。先自屈辱。損中國之威。長國之氣。天下何望矣。回憶咸豐之事。喋血郊園。盟於城下。

乘輿出遜。

晏駕不還。公羊所謂百世之讐。無時焉而可與通也。今重有此大辱之事。此志義之士。所以言念國恥。當食而歎。中夜憤排。誓心長往。終已不顧者也。

朱九江先生集

文

六

卷六

格物說跋

格物說三篇定古經之正詮屏羣言之底滯匡謬正俗辨僞得真使程朱確詰復明天壤泰山可移此案不動矣中明陽明王氏倡致良知之說不求諸事而求諸心由是心學盛興波蕩天下三四百年餘風未殄可謂烈矣謹案漢書注良實也孟子良能良知不過與良貴之良同義本無深解不聞以此爲七篇宗旨也况摘去良能專稱良知謂千古聖賢傳心之祕在是虜大約王氏言吾人爲學不資外求良知之體皦如明鏡妍蚩之來隨物見形而明鏡曾無留染無所住以生其心佛氏曾有是言未爲失也明鏡之應一照皆真是生其心處妍者妍蚩者蚩一過而不留卽無所住處其平日論學指歸往往如是然試問良知作此解說果有當於孟子論孩提愛親之仁否蕭梁之世達摩西來始厭棄經梵直指本心不立文字陽明祖述其說並稱佛氏之言亦不之諱欲使儒釋相附害道甚矣此說中篇歷剖心學之誤條辨如稼書梓亭而出以名通證明如清瀾北海而去其橋激儒者有用之言所謂闢道樹教縣日月而不刊者也

澹泊齋記

果堂衙齋顏以澹泊二字蓋取諸葛武侯誠子書澹泊明志之語或曰志儉也或曰漢人喜黃老武侯之云殆亦無爲無欲之旨是故取之也次琦曰非也嗜欲之熏心如水之浸種萌動坻溢致無窮已不自抑制則起居服食聲色玩好之緣雜然而至於是夤緣機巧果其貪營而肆其求取其在內也干國之紀而恣睢其在外也形民之力而醉飽而惡可至於滔天故自來名臣德行建豎不必一途要無不本於澹泊者謝太傅功高百辟心在一邱范希文斷齋畫鷲先憂後樂王伯安日與門生對食孫高陽飯麤糲忍饑勞至於我

朝圖文襄之啜豆屑粥一盂湯文正之莅江南未嘗食雞臠張朱九江先生集
文
八
卷六
文貞之白果數枚山藥三數片高文良之紙帳蘆簾卻掃一室終日若無人皆此志也吾聞果堂秩滿朝

京師公子友有饋食者值錢萬君不擇曰饋食費萬錢禮食當何如觀若材地故出彼人上平昔相餉饋亦有踰此者乎我家餉饋若此進而郎署而卿貳而宰執宗藩何以行禮乎公子懼然領訓退兄子某官某部堂主事衣弋綈謁君袂袵且敝矣君詰之曰若居要地接要人願被服如此安之乎將以爲名也兄子跪謝曰非敢然也兒旦旦趨公無暇晷偶忘焉耳君則大喜曰是吾志也賚袍鞋一襲嗚呼觀君之庭誥可以知君矣抑昔人有言聞人譽之以卿相則喜必非喜其鞠躬盡瘁可知也嗚呼果堂其同此感也哉

朱九江先生集卷六終

文

再傳弟子校葉於讀書草堂

九

卷六

朱九江先生集卷七

文

寄馮孝廉為陳九籌卹書

愛之足下舟車無恙邇者陳九梅坪悲於臘月丙午遘疾越七日癸丑流隨運往身後無子寡妻弱女慘慟鳴號近識遠交異聲同歎至乃里父村僮竈姬走卒亦用惘然昔一國輟音春者解哀五穀百身可贖詩人以痛三良以古方今伊其信矣吾兄儻亦有聞而心慟者邪乃者總帷虛掩四壁風飈食蓼捋荼不言而喻竊意渠同年世舊官京朝赴上計者咸萃都下得否會知贖賻遲速明收嗟乎東里西華有後遜任君之物素車白馬舉喪遲范叔之來

朱九江先生集

文

卷七

釋 東里西華

住勝前村人好士多所獎借其延客者必推擢而清酌每營平于官
有子東里西華南宮此雙皆流寓不振生平日交莫能救恤則考標乃憤

並為廣絕交論識其由交到湖見之於之地怪之恨之蓋既嘗藉筋延羞也
素車白馬是也

北行抵清遠縣與季弟宜城書

五弟無恙征舸旣邁遽逾十晨願言之懷昔人所喟愛而不見
如何如何吾弟內娛諉背外隆德聲雖曾與齧指而動操召南
樵山而振稱絜其勤勞無以喻之也曩束裝後待友佛山鎮兩
日迺得成行舟師謳櫂汎若鳧鷖游子寄音眇望魚雁是夜宵
半衝風驟激頽波彌厲元雲靄空夙夕不解雨雪告零先集爲
霏曙發盧包之汎莫宿黃巢之磯嚴霜隕而葭葦淒元冥深而
若英晏鼈頸之灘迷茫乎津逮龜手之藥歎惻乎水工行路之
難諗我端倪矣家累凡百弟克當之同晚舊鄉心魂慰藉惟吾
弟續昏一事軫結未忘上有黃髮罷勞晨夜下有雛稚噢咻嗟
笑茲事之亟豈煩覩縷顧鄉土是謔亦云省便而此邦之人內
朱九江先生集

文

二

卷七

教陋壤習錮旣久庸計門戶宛宛處子或有李蘭之好悠悠靡
俗恐入齊咻之教天下多美何必是求權輿弗戒後懊焉集行
子過計是用懷懷風水蹇逆行郵遂淹以今二十七日到清遠
縣兄弟健好餐飯猶昔兼多徒侶解誨憂虞語誠家人勿我爲
念從茲渡嶺浮泝西下楚歌千些湘波萬重背湖涉江釋舟趣
陸更復馬首斷雲千里隨夢雁足飛雪崇朝灑襟七聖皆迷之
野惘惘而驅車耦耕不輟之鄉栖栖而問道山川合沓息影何
時靜言思之百憂集矣夫人情迹接則多忘景逝則恆憶歲華
不居游讎未極往時家衙羣從如籠齋居盤盤言笑晏晏東方
未明已對牀相語西柄之揭猶露坐未眠論難紛起聲與百舌
競鬪觴詠橫飛酒微一斗亦醉魏文有言當此之時忽不自知

其樂也。繇今以思曠若星漢，擬諸形容尚繪心目。每當落帆江
許，擁衾無寐，清角朝厲，游鴻夜吟。我懷云勞不可說也。自惟寡
薄，豈辦任官。此行邀福，或叨一第，思遂南歸，寄迹丙舍，將吾叔
仲長奉板輿對鵲占門，徙魚築宅，陸機之屋不閒乎東西，何點
之山略分乎大小。時及霜露，言羅雞豚，祀先之餘，兼以速客。雖
甌生塵而日晏，風吹葦而歲寒，而風詩教睦，取鹿食之，相呼金
石歌商，結鶉衣而不恥，明明如月，長照其素風，溫溫恭人，永垂
爲家法，閉門養親，至於沒齒，雖三公上袞，百城南面，何以易此
哉。其許我乎，非敢望也。有問訊者，達此，夔言音塵未積，風雲逾
闊，家食餘閑，牽勛光采，勞人草草，筆不抒心。

朱九江先生集

文

三

卷七

釋

護背詩曰馬得管草言以背

癸卯在南沙陳氏賓館有勸以遷教都會者因布家人書以周公之上聖日讀百篇以孔父之多能韋編三絕學者殖也不殖將落况庸虛如某者乎某非不知遷地爲良或可多出僮石然學子百輩終日卒卒豈復有須臾暇邪今孝廉船便冬杪復擬計偕萬一饒幸此身遂非已有爾時雖欲假片刻餘閑補平生所未及那可復得昔范希文以先憂後樂爲己任讀書長白寺垂十年晝鬻而餐斷齋而食雪案無寐燔敗葉自溫孫高陽作諸生授書關外年四十矣布衣徒步往來飛狐倒馬間數從塞下老兵問阨塞險易士馬彊弱之數是二君子者伏則泥潛出則霆震發皇耳目驚爆天下非偶然也某雖無似志事豈後於古人是用辭富居貧使故業可理然且廣廈細旃峩冠坐朱九江先生集

文

四

卷七

論供養過二公遠甚恐將來藉手不中與二公作廝養僕耳凡此悽悽不足爲外人道也

抵山西寄兄弟書

隱石三兄宜城五弟鈔得鄉錄知吾弟疆臺又躓垂翅秋風悵
惋何如也雖然君子藏器於身俟時而動艱貞之志有待而行
究亦無所容心耳嚮者次琦罷耗廿年曾無一日之戚吾弟所
親見也匪曰冲襟獨遠亦見夫天下事苟非我所能自主憂焉
無益卽亦任之而已昨九月十五日在漢鎮上車擬取道汴梁
卒亦不果蓋次琦之繞行之汴也亦以睽違函丈垂近十年且
江甯公在晉日久可以慰謁恩門可以諮請地方所急耳而世
俗遂以爲持之有故竊從有相稱促在臨湘時夏憩亭太守迎
謂曰君到汴梁甚好貴師木君先生與新晉撫季公同鄉同年
素稱契密首府郭公亦潘公同年也得潘公爲君先容賢於十
朱九江先生集 文

五 卷七

部從事矣洎過湖北訪謁宦楚同鄉諸公議論與夏太守無異
或且羨師門得力嘖嘖稱歎者有之昔晉人欲加禮於王丞相
馮懷以問顏含含不答退而有憂色家人問之曰吾聞伐國不
問仁人曩者馮祖思問佞於我我豈有遺行與今茲之事次琦
不敢薄今人也惟愧省身克己根氣淺薄使別嫌明微之操未
能卒白於天下皆次琦之罪也君子立身行事當昭昭如日月
之明離離若星辰之行微特較然不欺其志而已安能隨波靡
犯笑侮招逆億以察察之躬爲當世所指目邪且卽不敢自作
身分而世旣未能免俗一槩以相量矣將或枋柄在手又安能
昌言正色直己而直人邪十一月初三日恭領部照十八日到
省廿三日稟到目下晉省人員冗塞候補知縣積至八十餘員

內卽用班亦多至十五彼中人僉謂捐遇缺者多故各班俱壓員未補連次琦在內捐指省者眾故候補日繁積壓甚卽補缺難候補多故署事亦不易大約署事總要年餘兩年補官則三四年不等然祇據目下情形而論將來捐輸花樣無窮卽亦不能懸斷也并州之域少煥多寒舟楫不通物產騰貴需次其間器服薪水之資芻馬僕賃之費居大不易總之

君父之身旣不敢自屏寬閑偷安於昕夕平生之學又不敢苟圖微幸自隳其廉隅去留久楚之間必稍需時日乃能自擇此際政難臆決耳有訊予者爲我謝之一官萬里嗟峨太行身遠目窮白雲何處家食餘閑幸勛光采己酉十二月十四日次琦頓首

朱九江先生集

文

六

卷七

寄伯兄書

弟到晉以來涉歷吏事深知此事之難且暗悼邇來講究此事
之人之鮮人人以一官樣作官民生何賴焉又竊見邊方日蹙
時事多故實不勝杞人漆室之憂恐將來謬當事任喪所懷來
故於武備倉儲河渠地利諸書不得不重加搜索有可借者無
不往借至無可借處猶出候補勉強之錢購之也次琦謹稟

朱九江先生集

文

七

卷七

答康述之書

弟晉中需次補缺尚無其期然自省庸虛正須閱歷卽稍稽時日爲將來道虛筐之誦固可以少安無躁耳兄知我者以爲何如弟見住山西省城浙江會館館後室爲典守僧禪堂西偏屋數間卽其出息弟賃居之出則徒步入則齋鹽作官是何物事不過與和尚們隔壁耳昔魏敏果官京師時不攜眷屬王漁洋尚書作戲詩嘲之云三閒無佛殿一個有毛僧弟今有佛勝環翁遠矣一笑

朱九江先生集

文

八

卷七

答明同年書

珠江別裏握手無溫鱗羽旣沈義望遂積願言之懷古人所喟
愛而不見如何如何接二月廿四日書知與南邨璞軒硯農共
賦北征羣雄振羽各吐鏗鏘前唱歸仁後賡賀世快慰何如也
足下外振國華內嚴庭誥展采錯事正在此時興滅之云良所
未喻碧海四丈及愛之棠邨兩公就官有期暫作六月之息原
不爲過我家小阮往爲波臣所窘驚魂未定假歸殆亦人情社
中諸君子鄉書輒復報罷玉三獻而遭別博十擲而得韃才不
偶遇足堪於邑然得南邨璞軒爲吾黨吐氣驅負則歷趨蟲鳴
則蝨躍鬱鬱久居諸君子當不其然獨君族次卿溘隨運往竟
弱一介敕目將除潛舟遽悼悲夫悲夫無祿至此乎去秋聞耗

朱九江先生集

文

九

卷七

爲位以哭中間惘惘愴焉彌月自惟寡薄百不稱遂平生愉悒
乃在人倫歎去交親衰衰歧路曷日曷月孤僨獨居繾綣良辰
則停觴靡樂倦言夙契則采葛憂吟猶復邁閔人琴慟傷哀樂
知己之言在耳泣瓊之淚盈懷他日逝水知歸會言近止過斛
斯之居聆山陽之笛朋酒滿目獨闕斯人能不憤結喉衿惻剝
肝肺也哉僕留滯晉陽抗塵走俗準之道素彌益慚顏此地人
員積薪之故足下應具知之仍歲勞切家兄晚亭在都自皆詢
悉選人恆患每在憂貧歷相九州此邦爲甚僕往者家食屢空
鄰於殆庶今云釋褐代匱合於曩編東坡云獨有羈旅人天窮
無所逃僕之謂矣出接人事車馬如龍言笑掀扈颯發雲會宛
其入室無與爲驩燈火蕭然便同蘭若涼風振闥秋蟲鳴階聊

復循除咄咄自語參橫斗仄匏瓜在天愴然不覺遠道之增歛
繁憂之易入也雖然晉國亦仕國也君子之難仕伊古已然何
况今日莊生謂知其無可奈何而安之若命况其實有命者邪
安之而已足下得意留都看花多暇時復賜裁賤問敷衽論心
或嗤慕賢愚或銓衡雅俗苟及政術兼詳文藝藉以藻暢襟靈
蠲祛首疾於萬里之外獲一隅之益亦索居之一快也縈鬱旣
久芬響自殊沈光咸池擢秀蓬閭亦其理也諸君勉之矣欲言
千萬臨筆翳如報謁起居心泝何極

赴襄陵寄兄弟書

伯兄大人仲兄大人宜城老弟鈞喜次琦差旋反寓得宜城來札家事種種曉悉一是來札云兄弟各人都已窮慣米薪麤給支諱亦所不辭遠道加餐勿煩南顧至哉此言澹而彌旨非吾兄弟守分敬身各安義命吾弟積年見道漸近自然何以有此雄雉之詩聖者歎之矣真合厯碌勞薪軒渠一笑也次琦奉檄訪緝郭志一案該犯旋在通州被獲此役便可銷差因續委查辦關外事件以致留連六月十三日輪委到班於口外和林格爾地方接署理汾州府孝義縣之檄星馳回省收拾起身廿七日又奉委署平陽府襄陵縣告病遺缺兩缺長短優詘不甚相懸更替之由具有緣故俟到家面陳然默驗平生事皆前定守

朱九江先生集

文

十一

卷七

素之士愈知天命之有權而人謀之不能以豪髮參者卽此一事倍畏天明次琦於廿九年出山本鄉陳兆康兄送行詩中有孝義似君名易副詩書供我債難償之句羅蘿川侍郎亦有贈別詩末云平陽古帝都俗有堯民雍君來續干羽我將播笙鏞二詩見藏筐篋又可詢兩家而得數年之事萬里之遙何機關之示見乃爾邪然則人謀又何爲邪此事竟可補人唐見疑七鍾輅前定錄中月十二日起程二十日接印卽天雨泥濘不能寬期數日祈代爲昭告祖宗父母俾在天之靈庶幾一慰且藉以默相顧愚使無墮越幸甚幸甚是地土沃民醇尚稱易治且水泉疏衍人物秀良有秔稻有蓮菱有魚鰕最近南中風景卸事大槩在冬臘之間無具之身初膺民社雖加勤慎未知將來能勝任否勉

之而已七月十一日次琦謹啟

朱九江先生集

文

十三

卷七

答王荈友書

荈友先生閣下人來辱賜手函感悚無似重讀前翰知數月來
眷矚鄙人甚殷甚亟且復勤勤懇懇若許爲可與語可與道古
者然耆舊之推誠大賢之善誘固如是其無町畦也循誦再四
至於涕零僕少無宦情又不習吏事州縣之任非所克堪此出
蓋爲親知逼迫勉強一行待罪來襄奉職無狀瓜及便當棄去
進惟周任陳力之義退奉柱史止足之誠不如是固不可也自
惟寡薄童牙未萎猥已接跡通人恭承大雅中間浪跡若驟若
馳若謬若迷而終無所泊棲四十之年忽焉至矣誠甚愧誠甚
懼也思欲屏跡幽遐追平生所不逮古人已遠來者難誣歲月
侵尋未知果有成否先生超超出處行與道俱浚長晉城差堪
朱九江先生集 文 三 卷七

比匹末學仰之政如濱海蜚人持蠶飲渤不過取飮口腹而止
莫能測其際涯也大箸鄂宰四稟謹已登領撰述日新實事求
是尚冀源源寄讀開我見聞方今士習日離根柢悅薄不知伊
於胡底人材阨壞職此之由天不憖遺海內耆髦碩生翳然將
盡後生不見老成卽龔從昧將謂讀書學仕不過爾爾甚可悼
歎仰繼前良下覺來裔以續百年來經師之緒非先生而誰伏
惟願性齋勞爲道自愛欲言千萬紀綱遺發使平昔蓋闕之疑
未及貢諸左右獨恃厚愛吐馨肝膈輒復頓盡惟矜其直不責
其狂愚幸甚幸甚王子重九後十日琦頓首

又答王冢友書

冢友先生閣下別後刻欲走謁霽除。傾承德範不意後政劉君延至二月上旬始行接篆卸署後又爲交代一節絮絮至今屑瑣凡猥最不堪爲長者告日來乃漸有成議一得歲事便如脫鞵之鷹不復能蹙羈此地矣。僕南歸之議往復自決然江楚阻兵竟未卜戒塗何日意兩人繼見之緣蒼蒼者尚猶未斬故遲遲我行邪句讀鏤板一兩月想可告竣大箸中有未刻望分錄給若行篋攜有家集及鄉先正名集亦分數種出輯

國朝名臣言行錄所取資也此書成後尚欲仿黃梨洲明儒學案輯一書以箸我

朝一代儒宗顧不欲分漢學宋學如江鄭堂師承記云也見聞

朱九江先生集

文

十四

卷七

隘陋未知果有成否其例略容寫錄就正大約月終乃到山川回湫我勞如何復啟不盡樓樓二月九日琦再拜

去襄陵後答王荅友書

荅友先生閭下歲月易得違侍遂已一年子子行路閒以兵荒
牋訊遂希同此邦城輒已如是異時東海南海津涉萬里其爲
契闊可勝道邪比奉五月十六日惠書勞問甚厚益用惶媿又
省知動靜多豫且浩然決引身之舉甚慰甚慰昔人所謂其出
也若雲其處也介于石恢恢乎自我訕信與道園方者也瞻佩
無任僕去夏反自襄陵卽以不才自棄申請往復歲盡乃獲給
咨而江楚兩路均已不可行矣中間曾肅手書具述歸里後當
仿温公蜀公故事僭爲閭下謬傳以貽學者並陳屬草雖槐癭
賦僕邈寡韻尚須潤飾今承督促則知此簡未達籤櫛不審何
處洪喬竟爾沈置奈何平陽陷沒公私塗炭其爲酷毒如何可
朱九江先生集

文

十五

卷七

言方春銜覲風日正繁冠纓之徒魚鱗雜集大守留髡送客接
栝舉觴竹肉紛流譚諧閒作白日旣匿繼以脂燭當斯之時都
市如故也士女如故也春容愉夷昌丰潤澤何圖數日之間陵
谷遷貿府主寅僚溘焉頓盡甚可痛哉以此忽忽恍若有亡加
以宿食東西車不絕輒鞭轡稍休頗欲脩理故業而憂從中來
停簡輟毫感舊傷懷漼然流瀰誠不復能措意文字間矣近雖
栖尋舊宇譬如池魚籠鳥時有山藪江湖之思設秋後內地仍
不可通決意道津門航海歸矣幼安危坐巢父掉歌古之人有
行之者丈人間此必謂生好勇過矣過矣哂之邪悲之邪大著
釋例補正益復精博無餘憾說文句讀刻成幸更覓便惠致世
難方殷靡知所底項頌之歎詩雅以嗟然竊惟自古泯棼之會

元黃戈馬之秋。天命民彝。必不可以一朝絕。不絕則宜有所寄。
寄斯鉅者。宜在脩學好古之儒。秦氏以還。如伏勝申公許鄭二
劉熊安生之倫是也。閣下勉旃。自愛而已。頃何以爲娛。頗復有
所造述。不僕旣不作河東之行。無緣復詣大治。悠悠之別道阻。
且長。知復何時。更得一面。能重奉臬比。開吾觚牘。不南望於邑。
辭不敘心。六月廿有八日。琦再拜。

朱九江先生集

文

六

卷七

答徐次功書

佯來承惠教函。驚聞賢郎紅蘭委露。行道傷心。弟緬邈關河。有疏奉慰。悚仄何如。捧誦明示。謂旣已視事。不得不忍痛辦公。大哉斯言。令人欽服。無地方。今天步屯。適時艱孔棘。政使居父母之憂。猶當墨縑視戎。金革無避。豈况兒女之私。劉越石不爲一兄。富鄭公未嘗哭女。純臣之誼。烈士之胸。與閣下而三矣。區區跳梁。竟釀作門庭之寇。時事如此。可勝憤歎。然韓侯嶺爲省城第一重厄。塞得閣下守之。正如老罷臥道。太原自可恃以無恐。昔傅修期上馬擊賊。下馬作露布。自言年六十九。張東之年七十。舉賢良。便建擎天之勳。少陵云。男兒功名遂。亦在老大時。閣下勉之矣。閣下辦理防堵軍資礮械。一一齋備。往後更可源源接濟。日來想籌畫有緒。小醜未必能來。萬一其來。則我以逸待勞。以主待客。以險待夷。以精銳待疲乏。彼直來送死而已。

復郭中丞書

某於月之二日接奉由縣專人發到賜書仰叨慈注捧函祇誦光動里閭所以委曲而誘進之者至周極渥猶復導之以舊遊之權示之以式廬之雅雖盧毓之禮張璠主簿奉書信陵之迎侯生市人增色以今况古光寵爲多聞命兢慙心顏罔播敬詒大人體

國公忠受

天庥命勇惠於三山五嶺通道於九夷八蠻夙隸併轅靡不喁戴矧依譜末尤願趨風旌節甫臨卽擬晉瀆尊嚴貢誠左右病軀偃蹇事阻從心伏念某海濱之鄙人也世守一經家徒四壁疇昔苟圖祿仕亦有歲年遯尾蠱土豈伊素懷巢林鑿坏與之

朱九江先生集

文

六

卷七

殊轍屬以身嬰痼疾繇歷十載肝氣失調脾風頻動每遇顛發涉旬逾序加以入秋疝作乍冰乍火昌黎謹瘡文字無靈潘岳閒居聰明彌拙匪云離勞遠俗保其幽素聊欲蠲痼導和就成省曠不交人事職此之由若謂膏肓泉石以爲名高其於乃心翩其翻矣脫獲刀圭少效氣力稍充分卽鞠臆鈴轅恭承策訓鈞論乃云當以小隊過訪深山此誠古大臣忘分下交之至懷發潛顯幽之盛節也若某者文義不豐行能無算曾持吏版自異幽貞大人任方國之重時事方殷日不暇給一旦勤大府之高牙就空山之小草人聽惶惑眾論紛呶縱不疑大君子偏嗜之奇必且重山中人虛聲之誚弗敢承也亦非所望也願垂意而深察焉

又復郭中丞書

次琦於前月月晦接奉廿八日賜書渥叨垂注仰見大人虛已
念舊之殷有加無已下懷感激莫罄言宣伏讀頌到淺語十六
條鑄砥物情而肝膈迸露語語載隆人正俗之思以出陳承祚
所謂公誠之心形於文墨足以知其人之意理而有補於當世
者庶幾近之敬當與父老子弟誦服而訓行之也政成化光拭目
俟之爾而鈞論猶以謂苦心焦思莫知所從則誠鉅人君子
欲然不自憚之深衷也古大臣昭融契合功施而澤究名成而
道昌良亦發皇耳目矣而獨其殷憂寤歎之私時若有不釋然
者流示於語言文字之表何者魁闕之士慷慨豎立之才其許
身至伉而待物至厚其憂時至深而望治至迫天時人事或不
朱九江先生集 文

九

卷七

能驟副所期則鬱伊之感易作閒讀古人著作若高平涑水遺
文暨近世王陽明虛九台諸公文集輒低徊想見之蓋非獨一
世然也次琦少無學術長益迂愚不幸仕學無成又以病廢大
人過聽浮虛獎稱高躅誠許與之意厚也而實事則竊未然昔
孟陋見禮於桓公人謂陋學爲儒宗宜參府事公歎曰會稽王
尚不能屈未敢擬議也陋聞之曰桓公正當以我不往故耳億
兆之人無官者十居其九豈皆高士哉我自疾困不堪冀命耳
非敢爲高也古人成言特符鄙事比益沈絲至乃不任拜起有
孤延擘速展何極瞻望崇轅踧躅而已伏惟含宏之度原其簡
倪而不責其狂疏幸甚幸甚

與老爲謙書

爲謙足下。良久不面。比想讀禮興起。慎攝爲慰。僕前在鄉時。得明君次卿書中。及足下中閫違言。至欲離過一事。僕殊駭貽。足下天性溫良。湛深名理。突有此事。諒非無故而然。雖然。不可不善處也。足下在鄉黨中。雅負清望。之者眾。卽求之者深。况庸俗之情。望風逐影。方今尊堂棄養。大婦持家。而足下適有此舉。形迹交關。易滋多口。卽喙長三尺。誰能家至而戶說之。語曰。非常之原。黎民所懼。又曰。君子防未然。不處嫌疑間。今至戚如次卿。且不見諒。况悠悠行路之人哉。僕與足下情均。骨肉人議。足下是議我也。聞此以來。如芒刺在喉。吐卻始快。少年作事。爽直。曠過時遷。每留後悔。晉書王獻之傳。稱其遇疾。家人上章禮神。朱九江先生集

文

三

卷七

法當首過問其有何得失。對曰。不覺餘事。惟憶與郗家離昏。獻之前妻。郗曇女也。又陸放翁棄唐氏後。終身歎惋。所賦釵頭鳳詞。及沈氏小園諸詩。屢訟其事。至今讀者。輒爲心惻。賢達且然。何況我輩。聊舉一二。以見覆車知愛。有年。心腑相照。必不以謹謹取罪。次琦頓首。

答吳澄溥同年書

不見遂三十年一昨枉過高軒相視須臾都非疇昔爲之撫然
然此三十年中閣下謹論在

朝廷仁恩在毗庶蚤晚卿雲重麗高掌遠躡建樹更無窮期以
視弟之學仕無成知難先退牛宮馬磨中爲鄉人沒齒其度越
可涯量邪辱書獎飾逾恆使寒窗偃蹇人不衣而暖適窗外有
霜菊數叢篆萼蚤梅一本對之展讀覺晚香幽韻同入襟懷快
何如也伏省莊居多豫風雨閉門日與古人相對尋見在可行
之樂補平生未讀之書甚矣閣下之嗜學也閣下自笑耽此是
平生痼習痼病也痼於書所謂不病病也昔伊川程子還自涪
州貌加豐眸門人問故程子曰力學之功也人不學便老而衰
朱九江先生集

文

三

卷七

每省斯言爲之惕息頃見閣下酒栢譚笑雖辭氣雍容議論猶
復英發袞袞千言夜分忘勅李延平涵養服人錢世儀精神滿
腹殆兼有之與卅年前促膝三館時意興初無少異則是無故
則能取求於學故東坡云嗟余老矣百事廢卻尋舊學心茫然
弟輩坐擁皋比眞合慙顏無地矣歲暮懷人往往增劇盼閣下
春融再到情在於斯子貢言盟可尋也亦可寒也弟則謂盟可
尋也不可寒也蓋望公如望歲矣敬書此以當息壤謹復大安
惟鑒不盡

南朝人物如蔡興宗者較之同時諸人才識亦頗可稱述始
終宋代亦無一身二姓之嫌惟其濡迹逆劭之朝受其太子
中庶子之秩此李充所謂不及甯生之如愚伯玉之可卷者

也毀方喪節之誚夫復何辭來教斥爲五代馮道一流誠確
論也謹按魏晉以下理道不明恥尚失所常有號稱名臣智
勇超出而委贄累朝醜顏陳力者時論亦恬然不以爲怪顧
亭林日知錄正始兩段見卷十三趙甌北咳餘叢考六朝忠臣無
殉節者一段見卷十七言之最悉嗚呼此程朱講明性道之功所
以扶天綱立人紀追配孔孟而與天地無終極也閣下以爲
然乎

朱九江先生集

文

三

卷七

答求書者書

鄙人惡札自嫌罕嘗捉筆賢契所知也近益頽唐日滋媿鄙就以書法論堪與碧玉老人充廝養役乎伏惟善辭免留笑柄卽愛人以德之事耳惟照不莊

朱九江先生集

文

三

卷七



愛人以德之事耳惟照不莊

鄙人惡札自嫌罕嘗捉筆賢契所知也近益頽唐日滋媿鄙就以書法論堪與碧玉老人充廝養役乎伏惟善辭免留笑柄卽

愛人以德之事耳惟照不莊

答求書者書

答李鞠圃太守書

鞠圃先生公祖大人棨下福星指粵皓首黃童一盃額手稱慶
洵令人願天從也南交草木舊日皆知公名西漢循良此日樂
觀公治行繇一郡以暨一方繇一方以覃四遠杜子美所謂得
結輩十數公落落然參錯天下爲邦伯萬物吐氣天下又安可
待者也其爲殷祝可勝道邪方生回拜手書及燒春之賜恭悉
五馬過臨吉祥止止而弟竟不獲一叩行轅脩部民之敬禮失
則愆于心有忡矣弟自送別後都無好懷五月家弟不祿人倫
之戚不言可知涉秋以後困于瘍瘡臥閤十旬杖而後起小人
薄祐福過災生周易以消息盈虛爲天行物理自當如是自今
以往惟有退藏加密思日孜孜以畢餘年而已葢郡何時報政
朱九江先生集 文 三 卷七

琦頓首

